

य॒जुषा दि॒वमे॒व सा॒म्ना त॒स्माद्य॒स्यैका विद्या॒नूक्ता स्याद॒न्वेवापी॒तरयोर्नि॒र्मितं वि॒
 व॒क्षेते॒ममे॒व लो॒कमृ॒चा ज॒यत्य॒न्तरि॒क्षं य॒जुषा दि॒वमे॒व सा॒म्ना ॥२॥ तद्वा॒ऽएत॒त् ।
 स॒हस्रं वाचः प्र॒जातं द्वे॒ऽइन्द्रस्तृ॒तीये तृ॒तीयं वि॒ष्णुर्ऋ॒चश्च सा॒मानि चेन्द्रो य॒जू॒षि
 वि॒ष्णुस्त॒स्मात्स॒दस्य॒कसामा॒भ्यां कुर्व॒त्यैन्द्र॑ हि स॒दः ॥३॥ अथै॒तं वि॒ष्णुं य॒ज्ञम् ।
 ए॒तैर्य॒जुर्भिः पुर॒ऽइवै॒व बिभ्र॑ति त॒स्मात्पुरश्च॒रणं ना॒म ॥५॥ वा॒गेव॒र्चश्च सा॒मानि
 च । म॒न ए॒व य॒जू॒षि सा य॒त्रेयं वा॒गासीत्सर्व॑मे॒व तत्रा॒क्रियत॑ स॒र्वं प्रा॒ज्ञाय॒ताथ
 य॒त्र म॒न आ॒सीन्नै॒व तत्र॑ किं च॒नाक्रिय॑त न प्रा॒ज्ञाय॒त नो हि म॒नसा ध्या॒यतः
 क॒श्चना॒जाना॑ति ॥५॥ ते दे॒वा वा॒चम॒ब्रुवन् । प्रा॒ची प्रे॒क्षीदं प्र॒ज्ञप॑येति सा॒ हो॒
 वाच॑ किं मे त॒तः स्या॒दिति॑ य॒त्किं चा॒वष॑ट्कृतं स्वा॒हाका॒रेण॑ य॒ज्ञे हू॒यते॑ त॒त्त
 ऽइति॑ त॒स्माद्य॒त्किं चा॒वष॑ट्कृतं स्वा॒हाका॒रेण॑ य॒ज्ञे हू॒यते॑ तद्वाचः सा प्रा॒ची
 प्रै॒त्सैत॒त्प्रा॒ज्ञप॑य॒दिती॑दं कुरु॒तेती॑दं कुरु॒तेति॑ ॥६॥ त॒स्माड् कुर्व॒त्येव॒र्चा ह॒विर्धा॒ने
 । प्रा॒तर॒नुवा॒कम॒न्वाह॑ सा॒मिधे॒नीर्न्वाह॑ ग्रा॒व्याोऽभि॒ष्टीत्ये॒व हि स॒युजा॒वभ॒व॒
 ता॒म् ॥७॥ त॒स्माड् कुर्व॒त्येव॒ स॒दसि॑ । य॒जुषौ॒डम्ब॑रीमु॒ह्यन्ति॑ स॒दः संमि॒न्वन्ति
 धि॒ह्यानु॒पकि॒रत्ये॒व हि स॒युजा॒वभ॒वता॒म् ॥८॥ तद्वा॒ऽएत॒त्स॒दः परि॑श्रयन्ति । ए॒
 त॒स्मै मि॒थुना॒य ति॒र॒ऽइवे॒दं मि॒थुनं च॑र्याता॒ऽइति॑ व्यृ॒द्धं वा॒ऽएत॒न्मि॒थुनं य॒दन्यः प॒
 श्य॑ति त॒स्माद्य॒द्यपि॑ जा॒याप॑ती मि॒थुनं च॑रन्ती प॒श्यन्ति॑ व्ये॒व द्र॒वत॑ आ॒ग ए॒व कु॒
 र्वा॒ते त॒स्माद्द्वारे॑ण स॒दः प्रे॒क्षमा॑णं ब्रू॒यान्मा प्रे॒क्षथा॑ इति य॒था ह॒ मि॒थुनं च॑र्या॒मा॒
 णं प॒श्येदे॒वं तत्का॑मं द्वा॒रेण॑ दे॒वकृ॑तं हि द्वा॒रम् ॥९॥ ए॒वमे॒वैत॒द्द्वि॒धा॒नं परि॑श्र॒
 यन्ति॑ । ए॒त॒स्मै मि॒थुना॒य ति॒र॒ऽइवे॒दं मि॒थुनं च॑र्याता॒ऽइति॑ व्यृ॒द्धं वा॒ऽएत॒न्मि॒थुनं
 य॒दन्यः प॒श्य॑ति त॒स्माद्य॒द्यपि॑ जा॒याप॑ती मि॒थुनं च॑रन्ती प॒श्यन्ति॑ व्ये॒व द्र॒वत॑ आ॒ग
 ए॒व कु॒र्वा॒ते त॒स्माद्द्वारे॑ण ह॒विर्धा॒नं प्रे॒क्षमा॑णं ब्रू॒यान्मा प्रे॒क्षथा॑ इति य॒था ह॒ मि॒
 थुनं च॑र्या॒माणं प॒श्येदे॒वं तत्का॑मं द्वा॒रेण॑ दे॒वकृ॑तं हि द्वा॒रम् ॥१०॥ तद्वा॒ऽएत॒द्द्वि॒